

մեալք ի պալատ թագաւորին թէ ի դէմ թագաւորին ելանեմք. եւ մարդ յղեալ առ թագաւորն թէ ելցէ յերեսս մեր արքայ եւ խօսեսցուք ընդ նա՝ տիւանս առնելով մեզ, եւ բան ունիմք ասելու նորա, եւ ընդ ինքն բան չունիմք. եւ այլ բազում բանս: Եւ մօտակայքն, որ ի վեր ասացաւ, չթողէին՝ զայս ասելով թագաւորին թէ Զքեզ կ'ուզեն, մի՛ ցուցաներ զքեզ ծառայիցն: Եւ այլ զօրագլուխ գնացեալ զայս ծանուցին և հաւատարմացուցին զթագաւորն բազում բանիւք եւ երդմամբ թէ Քեզ հետ բան չունիմք եւ այսիս տիւանի արա՛յ մեզ եւ մեք արդ ունիմք տալ քեզ: Եւ որք ի ներս էին, առ թագաւորն մտեալ յաստուստ, և որք ի բանէս ունէին խորհուրդ՝ որ ի ներսն էին, նոքա ևս ասացեալ թագաւորին. Արա, արքայ, տիւան եւ տեսցուք զի՛նչ են բանք եւ խօսք դոցա: Եւ թագաւորն այսքան բանիւքս հազիւ սրտապնդեալ, ապա տայ պատասխանի թէ Վաղիւն եկէ՛ք և առնեմ տիւան: Եւ յետ դարձեալ ամբօխն. եւ յայսմ ժամու փոխեցին զյէնկիչէր աղասին եւ եդին զսէյմէնպալ շին, եւս զքեհնապէկն՝ ըստ կամաց իւրեանց: Եւ գնացին ի նոյն տեղի որ ասի էթմէյտան¹⁾, զգիշերքս ի բուն անդ վրանօք անցուցեալ:

Եւ առաւօտուս Կիրակի ԻԴ-իս նոյն ամբօխին ելեալ գնացին ի պալատն արքունի ի դէմ քեօշկին: Եւ մարդ երթար ի ներսն և գայր. և թագաւորն կուեկանէ ի դէմ ծառայիցն ի փէնճէրէն և կուխօսի ընդ սոցա. և երթ և եկքն ոչ դադարէին երթալոյ և գալոյ ի ներսն եւ ի դուրսն. եւ ընդ սոցա ի հետ դուրս ելեալ գայ²⁾ առ ծառայսն ճօճալով ոմն Ղարա Աբտուլա անուն, ասելով զօրացն ամբօխին թէ Ոտք ունիք եւ ոչ գլուխ, ո՞ւր է ձեր գլուխն, կամ ի՞նչ է ձեր

1) գյէթմէյտանն.

2) գալ.